

鮑氏集

鮑氏集卷第七

見賣玉器者

并序

從登香爐峯

夢歸鄉

從臨江王上荆初發新渚

望孤石

登黃鶴磯

岐陽守風

在江陵數年傷老

翫月城西門廨中

代挽歌

夜聽妓

梅花落

古辭

可愛

夜聽聲

酒後

講易

王昭君

中與歌曲十首

吳歌二首

與謝尚書莊三連句

在荊州與張史君李居士連句

月下登樓連句

字謎三首

見賣玉器者

并序

見賣玉器者或人欲買疑其是珉不肯成市
聊作此詩以戲買者

涇渭不可雜珉玉當早分子實舊楚客蒙俗
謬前聞安知理孚采豈識質明溫我方歷上

國從洛入函轅揚光十貴室馳譽四豪門奇
聲振朝邑高價服鄉村寧能與爾曹瑜瑕稍
辨論

從登香爐峯

辭宗盛荆夢登歌美鳧繹徒收杞梓饒曾非
羽人宅羅景諳雲扃沾光鳧龍策御風親列
涂乘山窮禹迹含嘯對霧岑延蘿倚峯壁青
冥搖煙樹穹跨負天石霜崖滅土膏金澗測
泉脉旋淵抱星漢乳竇通海碧谷館駕鴻人
巖棲咀丹客殊物藏珍怪奇心隱仙籍高世

伏音華綿古遁精魄簫瑟生哀聽參差遠驚
覲慙無獻賦才洗汗奉毫帛

夢歸鄉

銜淚出郭門撫劍無人達沙風暗空起離心
眷鄉畿夜分就孤枕夢想暫言歸孀婦當戶
歎搔絲復鳴機慊歎論久別相將還綺闥歷
歷簷下涼朧朧帳裏輝刈蘭爭芬芳採菊競
歲蕤開奩奪香蘇探袖解纓微寐中長路近
覺後大江違驚起空歎息恍惚神魂飛白水
漫浩浩高山壯巍巍波瀾異往復風雲改榮

衰此土非吾土慷慨當告誰

從臨海王上荆初發新渚

客行有苦樂但問客何行
拔龍不待翼附驥
絕塵眞梁珪分楚牧羽鷁
指全荆雲艫掩江
汜千里被連旌戾戾旦風
適嘈嘈晨鼓鳴收
纜辭帝郊揚棹發皇京
狐兔懷窟志犬馬戀
主情撫襟同太息相顧俱
涕零奉役塗未啓
思歸思已盈

望孤石

江南多暖谷雜樹茂寒峯
朱華抱白雪陽條

熙朔風蚌節流騎藻輝石亂煙虹泚雲去無
極馳波往不窮肅歌清漏畢徘徊朝景終浮
生會當幾歡酌每盈衷

登黃鶴磯

木落江渡寒鴈還風送秋臨流斷商絃瞰川
悲棹謳適郢無東轅還夏有西浮三崖隱丹
磴九派引滄流淚竹感湘別弄珠懷漢遊豈
伊藥餌泰得奪旅人憂

岐陽守風

差池玉繩高掩映藹

一作藹

瑤井沒廣岸屯宿陰

懸崖樓歸月役人喜先馳軍令申早發洲迥
風正悲江寒霧未歇飛雲日東西別鶴方楚
越塵衣孰揮澣蓬思亂光髮

在江陵數年傷老

五難未易夷三命戒淵抱方瞳起松髓頽髮
疑桂腦役生良自休大患安足保開簾窺景
夕備屬雲物好翩翩燕弄風嫋嫋柳垂道池
瀆亂蘋萍園援美花草節如驚灰異零落就
衰老

翫月城西門廨中

君同

始見西南樓，纖纖如玉鉤。未映東北墀，娟娟似娥眉。
娥眉蔽珠櫳，玉鉤隔瑣窓。三五二八時，千里與同君。
夜移衡漢落，徘徊入戶中。歸華先委露，別葉早辭風。
客遊厭苦辛，仕子倦飄塵。休澣自公日，宴慰及私辰。
蜀琴抽白雪，郢曲發陽春。肴乾酒未闌，金壺啓夕綸。
迴軒駐輕蓋，留酌待情人。

代挽歌

獨處重冥下，憶昔登高臺。傲岸平生中，不爲物所裁。
埏門只復閉，白蟻相將來。生時芳蘭

素

體小蟲今爲災玄鬢無復根枯骸依青苔憶
昔好飲酒青盤進青梅彭韓及廉藺疇昔已
成灰壯士皆死盡餘人安在哉

夜聽妓二首

夜來坐幾時銀漢傾露落澄愴入閨景歲華
被園藿絲管感暮情哀音遶梁作芳盛不可
恒及歲共爲樂天明坐當散琴酒駛弦酌
蘭膏消耗夜轉多亂筵雜坐更絃歌傾情逐
節寧不苦特爲盛年惜容華

梅花落

中庭雜樹多偏爲梅咨嗟問君何獨然念其
霜中能作花露中能作實搖蕩春風媚春日
念爾零落逐寒風徒有霜華無霜質

古辭

容華不待年何爲客遊梁九月寒陰合悲風
斷君腸歎息空房婦幽思坐自傷勞心結遠
路惆悵獨未央

可愛

風帷關珠帶月幌垂霧羅魏粲縫秋裳趙豔
習春歌

夜聽聲

辭鄉不覺遠歡寡憂自繁何用慰秋望清燭
視夜翻

酒後

晨節無兩淹年意不俱處自非羽酌歡何用
慰愁旅

講易

雲澤翔羽姬橫益招益人賁園無金尚履道
易書紳

王昭君

逢興

平運

既事轉蓬遠心隨鴈路絕霜輝旦夕驚邊笳
中夜咽

中興歌十首

千冬逢一春萬夜見朝日生平值中興歡起
百憂畢

中興太運平化清四海樂祥景照玉臺紫煙
遊鳳閣

碧樓含夜月紫殿爭朝光絳墀散蘭麝風起
自生芳

白日照前窓玲瓏綺羅中美人掩輕扇含思

歌春風

三五容色滿四五妙華歇已輸春日歡分隨
秋光設

北出湖邊戲前還苑中遊飛轂繞長松馳管
逐波流

九月秋水清三月春花滋千金逐良日皆競
中興時

窮泰已有分壽夭復屬天既見中興樂莫持
憂自煎

襄陽是小地壽陽非帝城今日中興樂遙治

在上京

梅花一時艷竹葉千年色
願君松柏心採照無窮極

吳歌二首

公月

夏口樊城岸魯都却丹樓
觀見流水還識是儂淚流

雨

人言荆江狹荆江定自闊
五兩了無聞風聲邠得達

與謝尚書莊三連句

霞輝兮澗朗日靜兮川澄
風輕桃欲開露重

蘭未勝水光溢
松霧動山煙
豐石露凝
掩映晨物綵連綿
夕羽興

在荊州與張史君李居士連句

橋磴支古轍
篁路拂輕鞍
三尹無喜色
一適或垂竿

月下登樓連句

髣髴拂月光
續紛篁霧陰
樂來亂憂念
酒至歇憂心

鮑博士

露入覺牖高
芳深測苑深
清

氣澄永夜流
吹不可臨

王延秀

密峯集浮碧

踈瀾道瀛潯
嗽玉延幽性
扳桂藉知音

荀原